

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XIII. IANVARII.

M. PETRO LEGIER, Doctore Medico, Præsîde.

An calor innatus παντοκράτωρ?

GENEROSVM rerum principium quod ad hominum procreationem fecunditatem tribuit, origine nobilitatis sublunaribus elementis antecellit. Illud est τὸ καλλύμενον θερμὸν, quæ natura in genitore spiritu inhærescit. Ideò materiâ procreatrice in utero arctius conclusâ, moxque vi caloris abeunte in exiguum molem, humani corporis opificium inchoatur. Exemplar effingendarum partium, ab earum ulu animæ architectanti oberfatur. At natus calor conciliatâ idoneâ particulis temperie, τὸ ἀκατέργαστον ἡμέτερον uni opifici per cognitum perpolit distinctius atque etiam locupletius adornat, ratione planè dissimili ab arte cui mendicitas semper conjuncta est, ut verè proditum sit memoriæ naturam πᾶσι, artem παντοκράτωρ operari.

QUEMADMODVM animæ honoris pretio & infamiâ à se ipsis differunt, sic etiam innatus dissidet calor, qui minimè igneus est, neque species quædam ustulantis flammæ, sed effectuum præstantia agendi moderatione quam adhibet incredibili & maximo generationum proventu convenientiam habet ne eandem dicam naturam cum elemento Solis atque Stellarum. Calidum innatum non est antiquius ipso Orbe condito, sed est primo parenti coævum. Quò uberius & laudabilius fuerit, eò feliciores res secundæ valetudinis. Ab eo vitæ diuturnitas pendet, ac brevis est repetenda. An rectè videtur divino Hippocrati calidum quod dicitur immortale, intelligere, videre, audire, præterita & futura cognoscere?

EDITI fœtus in lucem, quæ olim fuit genitrix natura, eadem est servatrix. Calidi innati liberaliori copiâ, corpora plurimum augentur, nec injucundâ magnitudine juvenescunt. Annorum decursu, calor innatus hominem variè afficit. In infantiâ blandus atque copiosus continetur, micat ille in pueritia, effulget in pubertate, at in adolescentia scintillar. Sane florente ætate caloris flammæ manant latius, nec sine injucundâ membrorum venustate animosè exeruntur. Ingentem verò prudentiæ vim, rerum politicarum perfectæ administrationi accommodatam, florenti septenario septimo, animæ comparare solet. Vt caloris vivifici jugis motus semper salutaris, sic illius δεινότης, est imperij & vitæ delectrix.

REGIAM caloris innati non solum propugnaculis armatam, sed etiam imperum facientium satellitio decoratam esse oportuit; ab eâ tanquam molliorum flammæ penû, substantia luciformis omnibus corporis partibus collucet. Etsi homo primo dierum calidissimus, tamen assiduo caloris illapsu indiget, ne collabente partium vitalitate marcescat. Illo agitante δρεμνίζω tres provincie corporis recreantur, at præcipuè viscera quæ alendo corpori præparant cibos: etenim caloris ope & magisterio coquuntur alimenta, & distribuuntur, cum pernecessariâ excrementorum egestione. Natura rerum provida videns hominem morte consumi, eadem in regione, procreationis beneficio immortalitatem machinatur.

VIVITVR & innati caloris legibus, quarum imperio statæ καταιμνίων periodi, hæmorrhoidum excretiones subjiuntur. Sæpe decretorio die colluctatus cum morbo, præcipiti facta mutatione de morbi tyrannide triumphavit. Quin etiam desperati, plures restituti sunt funere elati ad rogam evigilarunt. Herus accepris vulneribus, se primo à pugna die revixit. Ecquæ unquam bellua peste Atheniensi atrocior? Sed tamen non pauci licet nominis & patriæ immemores evasere. Quotquot autem, nullâ factâ remedium administratione, crudeliter grassante contagio superfuere, caloris beneficentiâ id consecuti sunt. Calor innatus morborum domitor, vitæ princeps, rerum dominus, & summa potentia solus.

Ergo calor innatus παντοκράτωρ.

DOMINI DOCTORES DISPVATVRI.

M. Antonius Ruffin.
M. Petrus Pourret.
M. Antonius de Caën.

M. Carolus Laval.
M. Dionysius Dodart, rei Herbarie Professor.
M. Dionysius Puyton, Scholarum Professor.

M. Nicolaus Matthieu.
M. Iacobus Renaut.
M. Nicolaus Langlois.



Proponebat Lutetiæ GVILLELMVS PETIT, Constantiensis, A. R. S. H. M. DC. LXVII.